

Қазақстан Республикасы Министрлер Кабинетінің 1994 жылғы 6 мамырдағы N 485 қаулысына өзгертулер мен толықтырулар енгізу туралы

Күшін жойған

Қазақстан Республикасы Үкіметінің Қаулысы 1996 жылғы 7 мамыр N 570. Күші жойылды - ҚР Үкіметінің 2002.01.26. N 126 қаулысымен. ~P020126

"Қазақстан Республикасында сәулет-қала құрылысы бақылауын жетілдіру туралы" Қазақстан Республикасы Үкіметінің 1996 жылғы 24 қаңтардағы N 88 P960088_ қаулысына сәйкес Қазақстан Республикасының Үкіметі қаулы етеді:

"Мемлекеттік сәулет-құрылыс бақылауын жүзеге асыру Тәртібін бекіту туралы" Қазақстан Республикасы Министрлер Кабинетінің 1994 жылғы 6 мамырдағы N 485 қаулысымен (Қазақстан Республикасының ПҰАЖ-ы, 1944 ж., N 21, 316-бап) бекітілген Мемлекеттік сәулет-құрылыс бақылауын жүзеге асыру Тәртібіне мынадай өзгертулер мен толықтырулар енгізілсін;

2-тармақтағы "Қазақстан Республикасының Құрылыс, тұрғын үй және аумақтарда құрылыс салу министрлігі жанындағы Мемлекеттік сәулет-құрылыс бақылауының департаментін (бұдан әрі - Департамент) және оның облыстар орталықтарындағы, Алматы және Ленинск қалаларындағы аумақтық бөлімшелерін" деген сөздер "Мемлекеттік сәулет-қала инспекциясын (бұдан әрі - Мемсәулетқұрылысінспекция) оның облыстар орталықтарындағы, Алматы қаласындағы еншілес мемлекеттік кәсіпорындармен қоса" деген сөздермен а у ы с т ы р ы л с ы н :

2-тармақ мынадай мазмұндағы абзацпен толықтырылсын:

"Мемсәулетқұрылысінспекция, оның облыстар орталықтарындағы, Алматы қаласындағы еншілес мемлекеттік кәсіпорны өз қызметін құрылыстар сметасына енгізілген қаражат есебінен жүзеге асырады. Құрылыстар сметасына енгізу тәртібін, олардың ведомстволық бағыныстылығы мен меншік нысандарына және қаржыландыру көздеріне қарамастан құрылыстың, үй-жайлар мен ғимараттарды қайта жаңарту және күрделі жөндеудің сапасына мемлекеттік бақылауды жүзеге асыруға арналған қаражатты бекіту, сондай-ақ осы қаражаттарды аудару тәртібі мен оларды пайдалану Қазақстан Республикасының Құрылыс, тұрғын үй және аумақтарда құрылыс салу министрлігіне жүктеледі";

3 және 4-тармақтар мынадай редакцияда жазылсын:

"3. Мемсәулетқұрылысінспекция, оның еншілес кәсіпорындары мен мемсәулетқұрылысбақылауының жергілікті органдары республикадағы объектілер құрылысының сапасын бақылауды тапсырысшылармен шарттасу

негізінде жүзеге асырады.

4. Мемлекеттік сәулет-құрылыс бақылау жүйесінің қызметі тапсырысшыларды, мердігерлерді, жобалауды жасаушыларды құрылыс сапасына авторлық қадағалау жауапкершілігінен босатпайтын болып белгіленсін";

5-тармақтағы "Департаменттің облыстық бөлімшелері" деген сөздер "Мемсәулетқұрылыс инспекцияның, оның еншілес кәсіпорындары" деген сөздермен ауыстырылсын;

6 - т а р м а қ т а :

бірінші абзацтағы "сәулет-құрылыс бақылауы органдарының" деген сөздер "Мемсәулетқұрылыс инспекциясының, оның еншілес кәсіпорындарының және мемсәулетқұрылыс бақылауының жергілікті органдарының" деген сөздермен ауыстырылсын;

төртінші абзацтағы "жобалау ұйымдарының" деген сөздер "жобаларды жасаушылар" деген сөздермен ауыстырылсын;

7-тармақтағы "Мемлекеттік сәулет-құрылыс бақылауының органдары" және "жобалау ұйымдарының" деген сөздер тиісінше "Мемсәулетқұрылыс инспекция, оның еншілес кәсіпорыны" және "жобаларды жасаушылар" деген сөздермен ауыстырылсын;

10-тармақтағы "Департамент" деген сөз "Мемсәулетқұрылыс инспекция" деген сөзбен ауыстырылсын;

11-тармақтың екінші абзацы мынадай редакцияда жазылсын:

"Жобаларды мемлекеттік ведомстводан тыс сараптаудың бекітілген оң қорытындылы жобасының (немесе сараптау жұмысын орындауға мемлекеттік лицензиясы бар басқа заңды және жеке тұлғалардың), сондай-ақ құрылыс-монтаж жұмыстарын жүргізуге құқылы болуға тиісті рұқсатының болуы";

1 2 - т а р м а қ т а :

бірінші абзацы мынадай редакцияда жазылсын:

"Мемсәулетқұрылыс инспекция, оның еншілес кәсіпорыны және мемсәулетқұрылыс бақылауының жергілікті органдары белгіленген тәртіппен:" " а " т а р м а қ ш а с ы н д а :

бірінші және екінші абзацтар мынадай редакцияда жазылсын:

"құрылыс ұйымдарына, тапсырысшыларға, банктердің қаржыландырушы мекемелеріне, мемлекеттік лицензиялау қызметіне, статистика органдарына және сәулет-қала құрылысы қызметінің басқа субъектілеріне нұсқама (хабарлама) беріледі;

бұрынырақ берілген нұсқамаларды орындаудан жалтарғаны немесе дер кезінде орындамағаны, бекітілмеген жобамен және жобалардың ведомстводан тыс сараптау органдарының (немесе сараптау жұмысын орындауға мемлекеттік

лицензиясы бар басқа заңды және жеке тұлғалардың) оң қорытындысынсыз, белгіленген тәртіппен құрылыс-монтаж жұмысын атқару құқығына рұқсат алмай-ақ объектіні салғаны үшін, сондай-ақ өз бетімен құрылыс салғаны үшін құрылыс-монтаж жұмыстарын жүргізуді тоқтату туралы";

үшінші абзацтағы "күшін жою" деген сөзді "қайтарып алу" деген сөзбен ауыстырылсын;

алтыншы абзацтан кейін мына мазмұндағы абзацтармен толықтырылсын: "объектілер мен кешендер құрылысын қаржыландыруды тоқтату туралы; салынып жатқан объектілерге мемлекеттік стандарттарды бұза отырып жасалған материалдарды, бұйымдар мен конструкцияларды беріп тұру туралы";

"б" тармақшасы мынадай редакцияда жазылсын:

"б) құрылыстағы заң және нормативтік актілер талаптарын өрескел бұзған лауазымды тұлғаларға қатысты материалдар шара қолдану үшін құқық қорғау органдарына беріледі";

13 және 15-тармақтардағы "Мемлекеттік сәулет-құрылыс бақылауының органдары" деген сөздер "Мемсәулетқұрылысынспекция және еншілес кәсіпорындары" деген сөздермен ауыстырылсын;

14 - тармақта :

бірінші абзацтағы "Мемлекеттік сәулет-құрылыс бақылауының

органдары" деген сөздер "Мемсәулетқұрылысынспекция және оның еншілес кәсіпорындары" деген сөздермен ауыстырылсын;

екінші абзацтағы "Департамент" деген сөз

"Мемсәулетқұрылысынспекция" деген сөзбен ауыстырылсын;

16-тармақтың бірінші абзацындағы "Департамент" деген сөз

"Мемсәулетқұрылысынспекция және оның еншілес кәсіпорындары" деген сөздермен ауыстырылсын.

Қазақстан Республикасының

Премьер-Министрі